

# Ceacht 2 Lón Machnaimh



Chun cuidiú leis na daltaí léargas agus tuiscint a fháil ar na staideanna éagsúla intinne, agus na staideanna seo a fhiosrú i spás gan bhreithiúnas

Naisc leis an Chreat Foghlama don dalta



Ag foghlaim faoi na bealaí éagsúla a n-oibríonn a n-intinn

Ag forbairt cumais s'acu chun cur síos a dhéanamh ar 'staideanna intinne' ar bhealach atá cruthaitheach agus lán brí



Páipéar, Marcóirí agus Criáin

Acmhainn Tacaíochta Ceachta : *Staideanna Intinne*



Gníomhaíocht 1:

30 nóiméad

Gníomhaíocht 2 & 3:

20 – 30 nóiméad

**Naisc leis an Chreat Foghlama don Dalta**

**Ag foghlaim Scileanna agus Luachanna chun na nithe seo a leanas a shealbhú:**

- Litearthacht Mhothúcháinach
- Meiteachognaíocht
- Meon Forbartha: Dearcthaí agus aigní



# Gníomhaíocht 1

- Cuir in iúl do na daltaí go mbeidh siad ag cruthú madaidh dá gcuid féin, agus gur féidir leo a bheith chomh cruthaitheach agus chomh samhlaíoch agus is mian leo
- Tabhair páipéar, marcóirí agus criáin do na daltaí. Iarr orthu am a chaitheamh ag tarraingt phictiúr madaidh - madadh ar bith is maith leo. Iarr orthu smaoineamh ar na rudaí seo:
  - Cad é an cuma atá ar do mhadadh?
  - Cad é an boladh atá ar do mhadadh?
  - Cad é is maith le do mhadadh a dhéanamh?
- Cad é an bia is fearr leis?
- Cad a chuireann eireaball do mhadaidh ag croitheadh?
- An bhfuil gnéithe ar leith ag do mhadadh?
- Nuair atá na daltaí críochnaithe agus nuair atá freagraí na gceisteanna thuas curtha ar a líniochtaí, abair leo á gcur ar taispeáint in áit feiceálach sa seomra ranga

# Gníomhaíocht 2

- Fiafraigh de na daltaí an bhfuil madadh ag duine ar bith acu sa bhaile

## Noda Plé

- Ar thraenáil tú é?
- Cuir síor ar thraenáil do mhadaidh, cad é mar a bhí sé? Cad é a d'oisbrigh go maith?
- Cad chuige a bhfuil sé tábhachtach madadh a thraenáil?
- Fiafraigh de na daltaí an smaoiníonn siad gurbh fhéidir ár n-intinn a thraenáil le bheith socair, feasach agus i láthair

## Noda Plé

- é mar atá seo indéanta?
- an sileann tú gur smaoineamh maith é seo?
- cén fáth a mbeadh sé tábhachtach le bheith Fios agat an dóigh le bheith socair, i láthair agus feasach?
- Mínigh na dóigheanna gur féidir leis an Intinn a bheith ag obair. Is féidir leis a bheith bríomhar agus lán spraoi ar nós coileáin. Is féidir leis a bheith borb agus feargach cosúil le Chihuahua, nó is féidir leis a bheith tuirseach cosúil le madadh aosta cois tine.

# Gníomhaíocht 3

- Iarr ar na daltaí smaoineamh faoi am a raibh intinn s'acu corraithe agus míshocair. An féidir leo cur síos a dhéanamh ar cad é mar a mhothaigh siad?
- Iarr orthu smaoineamh faoi am ar mhothaigh intinn s'acu iontach tuirseach, codlatach agus falsa. An féidir leo cur síos a dhéanamh ar cad é mar a mhothaigh siad?
- Iarr orthu smaoineamh faoi am a raibh intinn s'acu socair, feasach agus i láthair. An féidir leo cur síos a dhéanamh ar cad é mar a mhothaigh siad?
- Tabhair cóip de 'Staideanna Intinne' do gach dalta (Féach Acmhainn Tacaíochta 1)
- Roinn an rang ina 3 ghrúpa
- Ba chóir do ghrúpa amháin a bpictiúir 'Staideanna Intinne' a líonadh le focail, íomhánna agus dathanna a léiríonn intinn atá corraithe agus míshocair
- Ba chóir do ghrúpa eile a bpictiúir 'Staideanna Intinne' a líonadh le focail, íomhánna agus dathanna a léiríonn intinn atá iontach tuirseach, codlatach agus falsa
- Ba chóir don ghrúpa deireanach a bpictiúir 'Staideanna Intinne' a líonadh le focail, íomhánna agus dathanna a léiríonn intinn atá socair, feasach agus i láthair
- Taispeáin na pictiúir chríochnaithe in áit feiceálach sa seomra ranga. Iarr ar na daltaí amharc ar na pictiúir go cúramach agus a n-aird a dhíriú ar na rudaí a thugann siad faoi deara faoi na 'Staideanna Intinne' difriúla

## Noda Plé

- An bhfuil difríochtaí suntasacha idir an pictiúr a léiríonn intinn atá corraithe agus míshocair agus an pictiúr a léiríonn intinn atá iontach tuirseach, codlatach agus falsa?
- Cad é a thugann tú faoi deara faoi na pictiúir a léiríonn intinn atá socair, feasach agus i láthair?
- An dóigh leat gur smaoineamh maith dúinn uilig éirí níos eolaí ar ár n-intinn agus cad é mar a mhothaíonn sé? Cad chuige / cad chuige nach dóigh leat
- Mínigh do na daltaí gur rud normálta é go mbíonn na staideanna éagsúla seo ag ár n-intinn agus ní ceart bheith ró-dhian orainn féin faoi. Tá sé tábhachtach dúinn aird a thabhairt ar na staideanna difriúla intinne sa dóigh is gur féidir linn iad a thuiscint